

VENDIM
Nr. 828, datë 24.12.2021

**PËR MIRATIMIN E DOKUMENTACIONIT SHOQËRUES TË FORMULARIT,
AFATEVE DHE PROCEDURËS SË SHQYRTIMIT TË KËRKESËS PËR PAJISJE
ME DEKLARATË, SI DHE TË DEKLARATËS PËR ARRITJEN E FAZËS SË
ZHVILLIMIT PËRFUNDIMTAR TË KËRKIMIT SHKENCOR PËR BURIMET
GJENETIKE**

Në mbështetje të nenit 100 të Kushtetutës dhe të pikës 6, të nenit 49/1, të ligjit nr. 9587, datë 20.7.2006, “Për mbrojtjen e biodiversitetit”, të ndryshuar, me propozimin e ministrit të Turizmit dhe Mjedisit, Këshilli i Ministrave

VENDOSI:

1. Miratimin e dokumentacionit shoqërues të formularit, afateve dhe procedurës së shqyrtimit të kërkesës për pajisje me deklaratë të kontrollit të detajuar ndaj kërkitimit shkencor për burimet gjenetike, si dhe të deklaratës për arritjen e fazës së zhvillimit përfundimtar të kërkitimit shkencor, sipas përcaktimeve të këtij vendimi.

2. Dokumentacioni shoqërues i formularit përmban:

a) certifikatën për përdorimin e materialit biologjik të lëshuar nga ministria për kërkesën për akses në burimet gjenetike *in-situ*;

b) dokumentin e miratimit nga ministria për aksesin në burime gjenetike *ex-situ*;

c) marrëveshjen për transferimin e materialit nga burimet *ex-situ*, që janë në pronësi apo financim publik dhe të të dhënave shoqëruese të tyre;

ç) pëlqimin e informuar paraprak me shkrim nga komuniteti, për të pasur akses në dijet, risitë dhe praktikat e komuniteteve vendore, në lidhje me burimet gjenetike e njohuritë tradicionale;

d) miratimin paraprak për transferimin e materialeve gjenetike të të tretët në bazë të normave ndërkombëtare, të lëshuar nga ministria/apo pronari privat, si dhe marrëveshjen e nënshkruar nga palët;

dh) informacionin për materialin biologjik, që do të jetë objekt i shfrytëzimit të burimeve gjenetike, numrin e mostrave dhe sasitë përkatëse, sipas shtojcës nr. 1 që i bashkëlidhet këtij vendimi;

e) informacionin për metodat laboratorike për veprimtaritë kërkimore-shkencore në burimet gjenetike, sipas shtojcës nr. 2, që i bashkëlidhet këtij vendimi.

3. Formulari i kërkesës së bashku me dokumentacionin shoqërues të përcaktuar në pikën 2, të këtij vendimi, depozitohet pranë strukturës përgjegjëse në ministri, e cila e shqyrton brenda 15 (pesëmbëdhjetë) ditëve nga data e dorëzimit.

4. Në rast se gjatë shqyrtimit të kërkesës struktura përgjegjëse pranë ministrisë konstaton se dokumentacioni i depozituar sipas pikës 2, të këtij vendimi, nuk është i plotë, njofton me shkrim palën kërkuese për plotësimin e të metave brenda 10 (dhjetë) ditëve.

5. Pas vlerësimit pozitiv nga struktura përgjegjëse, ministri miraton me urdhër deklaratën e kontrollit të detajuar ndaj kërkitimit shkencor për burimet gjenetike brenda 10 (dhjetë) ditëve.

6. Pajisja me deklaratën për arritjen e fazës përfundimtare të kërkitimit shkencor kryhet pas plotësimit nga kërkuesi të formularit dhe dokumentacionit shoqërues, sipas përcaktimeve të bëra në nenin 49/2, të ligjit nr. 9587, datë 20.7.2006, “Për mbrojtjen e biodiversitetit”, të ndryshuar, dhe depozitimit pranë ministrisë, e cila e shqyrton atë brenda 10 (dhjetë) ditëve nga data e dorëzimit të formularit të kërkesës.

Karakteristika							
		Ekzemplarët ¹		Pjesë			
			Fara, spore organele, embrione	Gamete	Qelizat somatike	Acidet nukleike	Pjesë të tjera ²
Faune	vertebrorë						
	jovetebrorë						
Bimë							
Alga							
protozoar							
Kërpudha							
Baktere							
Myshk							
Virus							
Grupime të tjera ³							

¹ Në mungesë të pjesëve të veçanta të një mostre, referojuni qelizës përkatëse si “mostra të plota”. ² Kategoria “pjesë të tjera” përfshin pjesët riprodhuese, strukturat riprodhuese vegetative si kërcell, zhardhokë dhe rizoma. ³ Kategoria “grupime të tjera” përfshin llumin, mykun etj.

SHTOJCA NR. 2

2.1 Informacionin mbi metodat laboratorike për veprimtaritë kërkimore-shkencore në burimet gjenetike

2.2 Baza shkencore: Duhet të paraqitet një përmbledhje e parimeve se si funksionon metoda, p.sh. informacion i bazuar në biologjinë molekulare të ADN-së (p.sh. për PCR në kohë reale). Rekomandohen referenca për publikimet përkatëse shkencore.

2.3 Të paraqitet protokollin i plotë i optimizuar i metodës/metodave të kërkimit shkencor në burimet gjenetike nëse aplikohet në mënyrë të pavarur në laboratorë të tjerë.

Të përshkruhen qartë të gjitha fazat e protokollit operacional.

2.4 Protokollin e punës në laborator, duhet të përfshijë detaje në lidhje me:

Kushtet, udhëzimet dhe rregullat e punës.

Përcaktimi i materialeve të kërkuara, përfshirë një vlerësim të sasive dhe udhëzimeve për ruajtjen dhe trajtimin e materialeve gjenetike.

Pajisjet e kërkuara, qoftë pajisjet kryesore, të tilla si një sistem PCR ose centrifugë, si: instrumente të vogla, si mikropipetat, tubat e reagimit, madhësitë e duhura të tyre etj.

2.5 Të përshkruhet metodika e regjistrimit të të dhënave (programeve biostatistikore).